

14.08.2025

UKA2025/159

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Ittoqqortoormiini umiarsualivissamik nutaamik Naalakkersuisut sanaartornissamut pilersaarusiornissamut (projektering) peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Mette Arge-Hammeken, Naleraq)

Tunngavilersuut:

Nunarput, nunarsuarmi qeqertat annersaat, tamakkerlugu ataasiusinnaaniassammat Ittoqqortoormiit inulerneqarnikuuvoq. Taamaasilluta erfalasup ataatsip iluani ataatsimoorluta. Inuilli taakaniittut puigorneqartussaangillat.

Nunatta kangiani najugaqartuusut tusarluartaaginnarneqarsinnaangillat, naammaleqaaq iliuuseqartoqartariaqarpoq. illoqarfinni allani nalinginnaasumik attaveqaatersuutaasartunik amigaateqarpugut.

Ittoqqortoormiit umiarsualivimmik amigaateqarpoq.

Umiarsualiveqarnissamut pilersaarusiornissat pilersaarutissat alloriarfigineqavinnatik iliuuseqarfigineqanngitsullu takusarpagut tusartarlugillu. Nunatta erfalasup ataatsip ataaniilertitsisumut attaveqaasersuutit pilersittariaqalerpagut.

Attaveqaasersuutunik pingaaruteqavissortunik aningaasalersuiniangikkutta, toqqaannangitsumik inunnik najugaqartitserusussimannginnerput taasariaqassavarput. Taamaattoqarsinnaangilaq, atugarissaarsinnissarput inerisaasinnaanissarpullu siammartertariaqarparput.

Aalajangiiffissatut siunnersuut akuerineqarpat, Naalakkersuisut Ittoqqortoormiini iluameersumik umiarsualivimmik pilersitsinissaq siunertarlugu sanaartornissamut pilersaarusiortitsissapput. Umiarsualiviusinnaasut suussuserisinnaasaat assersuutigalugu Umiarsualivinnut pilersaarummi¹ saqqummiunneqarnikuupput.

Neriuuteqarluarlunga. Qujanaq.

¹ Umiarsualivinnut Immikkoortunut pilersaarutaat 2017-2027 (Namminersorlutik Oqartussat)

Pisortanut aningaasatigut allaffissornikkullu kingunerisassat

Sanaartornissamut pilersaarutip aningaasartuutissai 2-3 mio. kr. atorneqarnissaat nalinginnaasumik naatsorsuutigineqassaaq.

Sanillersuukkaanni, 2022-imi Inatsisartuni Aningaasaqarnermut Ataatsimiititaliaq ilassutitut aningaasaliissutit akuerineqarput (suliaq 1089) ukununga: 2022-mut Aningaasanut inatsimmi (*kontomi pingaarnermi 87.73.12*) 3,0 mio. kr. Maniitsumi umiarsualivinnut tunngasunik nutarsaanissamut immikkoortinneqarput.

Ittoqqortoormiini umiarsualivissap nutaap anissusaa eqqarsaatigigaanni, minnerpaamik 2 mio. kr. sanaartornissamut pilersaarusiussutaanissaa missiliutigineqarsinnaavoq.

Namminersorluni inuussutissarsiuteqarnermut aningaasatigut allaffissornikkullu kingunerisassat

Aalajangiiffissatup siunnersuuterpiaap akuerineqarnera toqqaannartumik namminersorluni inuussutissarsiuteqarnermut aningaasatigut allaffissornikkullu kingunerisassaanik pilersitsinaviangilaq.

Innuttaasunut aningaasatigut allaffissornikkullu kingunerisassat

Aalajangiiffissatup siunnersuuterpiaap akuerineqarnera toqqaannartumik innuttaasunut aningaasatigut allaffissornikkullu kingunerisassaanik pilersitsinaviangilaq.